

新鑄海內奇觀

新鐫海內奇觀卷三

長沙郡
縣志

錢唐

西湖圖說

蘇軾書

西湖故明聖湖也周繞三十里三面環山谿谷縷注下有淵泉
百道瀦而爲湖漢時金牛見湖中人言明聖之瑞遂稱明聖湖
以其介于錢唐也又稱錢塘湖以其輪委于下湖也又稱上湖
以其負郭而西也故稱西湖云西湖諸山之脉皆宗天目天目
西去府治一百七十里高三千九百丈周廣五百五十里蜿蜒
東來凌深拔峭舒岡布麓若翔若舞萃于錢唐而蟠萃于天竺
從此而南而東則爲龍井爲大慈爲玉岑爲積慶爲南屏爲龍

湘山一覽圖

相廬

釣臺

富陽

北高峰



花園

松

明真宮
左軍衙
書院
阮公祠
馬神壇

五雲山

西通關

門營子



沙地

南關駐節


錢三祠

昭慶大佛圖

寶塔


落星石

紗帽石







孤山橋圖





觀忠表

初烈忠孫





岳武穆
王墓園




靈隱天竺圖

北高峰

獅子峰







象鼻峰

佛手岩

烟霞洞

新唐

大洞

翁家山

石屋




淨慈寺圖

淨慈寺








錢塘江圖

回觀

望



爲鳳爲吳皆謂之南山從此而北而東則爲靈隱爲仙姑爲屐
泰爲寶雲爲巨石皆謂之北山南山之脉分爲數道貫于城中
則巡臺慈壇帥閫府治運司鹽倉諸署清河水錦壽安弼教東
園鹽橋緒堂諸市在宋則爲大內德壽宗陽佑聖諸宮隱隱賑
賑皆王氣所鍾而其外邏則自龍山沿江而東環沙河而包括
露骨于茅山艮山皆其護沙也北山之脉分爲數道貫于城中
則泉臺分司諸署觀橋純禮諸市在宋則爲開元景靈太乙龍
翔諸宮隱隱賑賑皆王氣所鍾而其外邏則自霍山繞湖市半
道紅衝武林門露骨于武林山皆其護沙也聯絡周匝鈎綿秀
絕鬱葱扶輿之氣盤結輦厚潏發光華體魄閑矣潮擊海門而

上者晝夜再至夫以山奔水導而逆以海潮則氣脉不解故東
南雄藩形勢浩偉生聚繁茂未有若錢塘者也南北諸山崢嶸
迴繞滙爲西湖洩惡停深皎潔圓瑩若練若鏡若雙龍交度而
領下夜明之珠懸抱不釋若蓮萼層敷拊辦莊嚴而馥郁花心
含灑甘露是以天然妙境無事雕飾觀之者心曠神怡遊之者
畢景留戀信蓬閣之別墅宇內所希覩者也

錢塘門瀕湖爲玉蓮堂折而北爲來鵲樓折而西爲溜水橋湖
波注其下作瀑布聲過橋爲昭慶律寺迴廊曲檻金碧輝煌折
西叢林第一寺北爲慶忌塔前有石池相傳有怪物出亦若鐵
棺然寺西爲石函橋放生亭橋有水閘洩湖水以入下湖沿東

西馬塋羊角埂至歸錦橋凡四派亭在寶石山麓有碑記禁民採捕橋西曰寶石山本名巨石山高六十三丈周一十三里巔有崇壽禪寺寶所塔亦稱保叔塔樓閣憑空軒窓來月塔門舊有張卽之書湖山勝槩四字今移置淨慈寺閣壽星石一在塔後一在看松臺下各大數十圍塊然無根望之如斲石屏風獅子峰皆以形似名之屯霞石色赭如霞介立崖畔看松臺去寺左百步俯臨巨壑凌駕松杪松下有石圓如隕星曰落星石乳泉井去看松臺百步泉白而甘一勺泉在崇壽寺右壁天然圖畫在寺右一勺泉之陽山麓爲大佛禪寺一峯數仞僅刻半面飾以黃金射水如月傳爲始皇纜舡石傍有心雪泉深廣可二

尺大旱不枯黃塵赤日之困到此盡消緣岡被磴水竹叢叢丘
丹谷翠人家如棋布鷄鳴犬吠皆在雲中矣又西爲智果寺寺
舊在孤山宋紹興間徙築于此叅寥泉者蘇子瞻守杭州與智
果僧叅寥子善名其所居泉曰叅寥泉寺徙北山泉適出寺後
好事者仍名叅寥以志舊蹟西爲顯功廟祀宋布衣岳琚又西
爲錦塢在寶雲山東宋時花卉燦然若錦故名初陽臺在山巔
清曉烟消日出海底登巔一眺炯然奇觀紫陽書院祀朱紫陽
先生也葛翁井在智果寺西南上方下圓相傳葛稚川投丹之
所又西爲寶雲山瑪瑙講寺寺故在孤山名瑪瑙寶勝院紹興
間徙築于此後僕夫泉者祥符間僧智圓居孤山有僕夫藝竹

得泉名僕夫泉後徙寺茲山元僧芳州鑿地得泉遂名後僕夫
泉又西爲葛嶺嶺上有葛仙墓其前爲四聖延祥觀又西爲虎
頭巖山形突出若虎頭望氣者謂杭州有王氣勢祖命鑿之今
斷落矣又西爲鳳林寺俗名喜鵲寺葛嶺之西爲履泰山棲霞
嶺嶺上桃花爛燦色如凝霞北有古劒關蓋左寶雲右仙姑兩
山夾峙若劒門然有水名桃溪經岳墳前入湖嶺西爲烏石塢
棲霞洞一名紫雲洞在嶺巔牛臯墓在劒門關畔嶺北有金鼓
洞昔人伐石其間聞金鼓下作乃止嶺下爲岳武穆王墓青塢
一坏金甲葬其下無復有象祁連山色者範金作獄囚三反接
五木雁行跪其前中爲秦檜一是其妻王氏一卽万俟卨燬

獄得大理卿王氏東窓下共謀者遊人無不切齒捶擊以洩英
雄之憤當路有分屍檜乃英廟時郡丞馬偉鋸檜中開下離
上合以當商君車裂至今不凋前有石壁書盡忠報國四字每
字方五尺餘萬曆間司禮東瀛孫隆復捐貲買地斥馳道于湖
濱廟貌頓然改觀隆直中官之僇也翊忠祠以祀建州布衣劉
允升殿前司小校施全臨安義士隗順流芳亭在墓西有石刻
王像墓之後爲掃帚塢護國仁王禪寺自寺址斗折而上爲黃
龍洞又西爲淨性禪寺傍有青衣橋履泰山之西爲仙姑山山
之西東山銜口可通古蕩西溪靈隱山脉至此少伏若斷而連
傍有桃花街張憲墓又西爲青芝塢其前爲佛牙塢玉泉講寺

原名淨空院前有池畝許清澈可鑑蓄五色魚數十頭遊泳如
畫其後爲雲峰禪寺原名鷲峰禪院又址爲法華山去靈隱山
後可里許去北十里爲西溪秦亭山則法華之分脉也俗訛爲
蜻蜓山方井在桃源嶺下徑六尺深一仞許亭其上又有佛慧
禪寺智勝庵東嶽廟廟前有聯云善報惡報遲報速報終須有
報天知地知神知鬼知孰謂無知乃楊爾曾題書也青芝塢西
南爲慶化山水竹塢神霄雷院院宋羽士陳崇真所居每六月
二十四日郡人雲集設醮捨貲至今不廢仙姑山之西南爲駝
嶽嶺行春橋橋故宋左軍教場一名橫衝橋又西有小行春橋
乃九里松徑其南爲黃泥嶺可達南山九里松路廣且夷益深

真寥聞古松鳴泉四顧響答喤聾人籟雜以成趣傍有麴院卽
十景中麴院風荷也折而南爲仙芝嶺俗稱胭脂嶺自北而南
可達小麥嶺有普福講寺穹殿傑閣諸刹罕倫 國初猶盛今
已寥落舊翁井亦稚川遺跡有無尾螺螄西爲黑觀音堂在集
慶寺之東又西爲集慶寺又西南爲合澗橋橋在飛來峰路口
北澗自靈隱而下南澗自天竺而下合流于此號曰錢源飛來
峰卽雲鷲峰界靈隱三竺兩山之間蓋支龍之秀演者高不踰
數十丈而怪石森立青蒼玉削若駭豹蹲獅筆卓劍植衡從偃
仰益玩益奇上多異木不假土壤根生石外矯若龍蛇鬱鬱然
丹葩翠蕤蒙幕聯絡冬夏常青其下巖石肺覆巧而空中辟間

鐫布佛像皆元僧楊璉真珈所爲也龍泓洞一名通天洞壁間
有蔣之奇篆書賈似道廖瑩中等題名青林洞一名理公巖戶
扉深杳寒栗侵肌暑遊最快玉乳射旭二洞宛轉通明懸泉折
淅乳溜若凝肪然有徑可陟山頂壁間題刻甚多苔蘚侵蝕漶
漫不可辨識奇石纍纍若鏤若刻信天巧所爲非人力也靈鷲
塔一名理公塔在龍泓洞口蓋慧理遺蹟回龍橋在龍泓洞之
左右門澗卽冷泉所經一名靈隱浦先時澗浦深廣可以通舟
紹興間有堪輿家言靈隱火山得水可以禳災乃建石閘以儲
澗水弘治十三年山水橫發閘崩而澗溢寺遂頽圯近得司禮
東瀛孫隆莊嚴葺治便覺祇林方丈不減淨慈澗旁舊有連巖

棧伏虎棧皆爲楊髡鑿成佛像醜怪刺目無復天成之趣冷泉亭依澗而立飲其流水齒扁爲盱江左贊隸書靈隱山去城西十二里高九十二丈周一十二里亦曰仙居曰武林俗稱西山其山起歙出睦跨富春控餘杭蜿蜒數百里結局于錢唐如引兩臂南垂臙脂嶺北垂駝巘嶺北高峰石磴數百級曲折三十六灣上有華光廟以奉五顯之神山半有馬嘯主廟春日祈蠶者咸往焉頂有浮圖登高一望則群山屏列湖水鏡淨雲光倒垂萬象在下漁舟歌舫若鷗鳬出沒烟波遠而益微僅覩其影西望羅刹江苔匹練新濯遙接海邑茫茫無際郡城正值江湖之間委蛇曲折左右映帶屋宇鱗次草木雲翁鬱鬱葱葱悉歸

詹曉靈隱禪寺晉咸和僧慧理建山門扁曰絕勝覺場相傳葛洪書或云宋之問書殿中有拜石長丈餘有自然花卉鱗甲又工巧如畫轉輪經藏一座往來者無不推移云免輪迴之苦山半爲石笋峰一名卓筆峰高數十丈圓峭特立茯苓泉在寺後山古松婆婆泉極甘冽韜光庵者韜光禪師所建內有金蓮池烹茗井門扁曰小有洞天又西爲粟山山高六十二丈石人嶺一名馮公嶺形如人狀雙髻聳然下有洞府名玉女巖西北有珍珠塢東墓嶺飛泉二道吳大帝石杵存焉上刻黃武二年歲在戊午八月三日凡十二字過嶺爲西溪居民數百家聚爲村市俗稱留下相傳宋高宗初至杭以其地豐厚欲都之後得鳳

鳳山乃云西溪且留下後人遂以爲名湖山至此幽邃極矣
出錢塘門山色層層如芙蓉千片從昭慶寺折而西爲斷橋湖
光如鏡峰岫寫影其中橋故名寶祐唐時呼爲斷橋又有段家
橋之稱十錦塘本名樂天堤因湖水潑削日久傾圮萬曆間司
禮東瀛孫隆捐貲修築延袤三里橫濶三丈四圍石砌中路鋪
沙襍植桃柳花卉中爲錦帶橋烟梭霞繡葱蒨羊綿遙望如裙
帶而長望湖亭四面玲瓏夏飲最快孤山歸介湖中碧波環遶
勝絕諸山四賢祠王德間郡守楊孟瑛建以祀唐鄴侯李泌舍
人白居易宋學士蘓軾處士林逋三人皆刺杭州有惠政而林
以逸民俎豆其間信纓綬之不足貴也山之陰卽處士墓野梅

數株偃其傍北爲放鶴亭其顛有歲寒岩石壁陡絕蒼蘚凋餘
中隱見篆書三大字下疏郭令公歷中書二十四考廣成子住
崆峒萬八千年相傳爲東坡題其上平夷四曠可眺全湖卽林
和靖四照閣故基也下有處士橋瑪瑙坡在孤山之東碎石支
瑩若瑪瑙然三賢祠在望湖亭西吳山疊翠如畫屏列于几前
一鏡平湖澄波千頃樓臺迺出林木翳然得孤山之秀脉爲兩
湖之大觀陸宣公祠規制宏敞吞吐湖山臺榭之盛爲一時冠
六一泉在孤山之南西泠橋一名西林橋又名西陵橋從此可
往北山蘇公堤自南新路屬之北新路橫截兩湖如長虹臥淵
中宋蘇子瞻守郡濬湖而築之夾植花柳中爲六橋春時花飛

絮落撮以爲茵旃麗人馳寶馬而至者更相枕焉彼嘆此談此
賞彼態互相點爲景醉則鬪鷄走械六博蹴鞠無日無之盡船
穿捲篷下時時倚棹聽堤上人歌舞真忘其身之非我矣堤南
第一橋曰映波與西岍第六橋對第二橋曰鎖瀾與西岍第五
橋對第三橋曰望山與西岍第四橋對第四橋曰獻境與西岍
第三橋對第五橋曰東浦與西岍第二橋對第六橋曰跨虹與
西岍第一橋斜對稍北則爲西陵橋趙公堤宋京尹趙與鰲自
北新路第二橋至麴院築堤以通靈竺之路履恭將軍廟在裏
湖之金沙灘將軍姓孫名顯忠錢唐入仕吳越爲名將楊公堤
裏湖西岍是也知府楊孟瑛所建俗稱裏六橋然通北三橋宋

時已有之楊公所築特南山三橋耳湖心亭舊爲湖心寺鵠立湖中三塔鼎峙相傳湖中有三潭深不可測所謂三潭印月是也弘治間燬嘉靖間建亭其址尋圯萬曆間重建然湖濤日夜啣之又幾崩壞得司禮東瀛孫隆重修四礮改建樓閣一時玳珥金椽琉璃玉照風嚮簷鈴月移花影登樓者不無羽化之想其上對聯極夥揔不如蓮石散人鄭燦一聯云亭立湖心儼西子載扁舟雅稱雨奇晴好席開水面恍東坡遊赤壁偏宜月白風清句佳切耳

湧金門舊名豐豫門省城各門俱有重城獨湧金無重城以其傍城故也稍西北爲柳州亭豐樂樓間水亭折而南爲孫忠烈

祠公名越字克弘餘姚人正德間巡撫江西適遭宸濠之變公
抗節而死嘉靖間御史龐公建祠以祀之又南爲靈芝崇福律
寺表忠觀祀錢王鏐者也

清波門宋稱暗門又南有錢湖門今塞流福水橋瀕湖而引水
入城經府前者學士橋當宋聚景園前蓋城中鐵冶嶺諸山之
水舊出錢湖門輸委于西湖者必經橋下大小岐派若夾字然
故稱夾字港港長九十六丈後人訛爲學士港者然則學士橋
者豈卽夾字橋之誤歟折而南爲茶坊嶺宋時有茶坊在焉又
西南過長橋爲南屏山淨慈禪寺萬工池南屏山峰巒聳秀怪
石玲瓏峻壁橫披窅若屏障凌空而中峙者爲慧日峰今以寺

後卷石刻慧日峰三字謬矣傍有石壁刻家人卦中庸樂記篇
相傳爲唐人八分書而后人刻司馬溫公書六字亦謬也又有
米元章書琴臺二字今皆不存淨慈禪寺周顯德元年錢王俶
建宋建隆初禪師延壽以佛祖大意經綸正宗撰宗鏡錄一百
卷遂作宗鏡堂寺西南隅有圓照井寺衆千餘飲之不竭東廊
應真堂卽田字殿貯五百尊者像作四層相背坐尊尊異形位
置曲折閱勝甲于湖山故程翰林琰記文有濕紅映地飛翠侵
霄簷轉鸞翎塔排雁齒星垂珠網寶殿洞乎琉璃日耀璇題金
椽聳乎玳瑁之語大抵規模與靈隱相若故二寺爲南北兩山
之最寺有鐵鍋重數千斤款云梁貞明二年鑄茲寺之建在吳

越時而錫識貞嗣或從他寺移來未可考也殿前有雙井井址
有四眼井萬工池在寺門外僧宗本募化與力者萬人故名寺
後有蓮花洞巧石層敷若芙蓉之燦爛有居然亭在洞口登茲
則湖山風景揚眼無遺矣寺前爲雷峰塔雷峰者南屏山之支
脉也穹隆廻映舊名中峰亦曰廻峰宋道士徐立之居此號廻
峰或云有雷就者居之故名雷峰吳越王妃于此建塔始以千
尺十三層爲率尋以財力未充姑建七級復以風水言止存五
級相傳湖中有白蛇青魚兩怪鎮壓塔下藕花居者洪武中僧
廣衍所建今爲高文端公諭葬墓塔畔有東退居者亦併別業
也南屏山之西爲九曜山山與赤山聯屬舊有九曜星君殿又

有發祥寺以祀昌化伯邵林又西南過太子灣宋時莊文景獻
二太子墳園折而南爲石屋嶺石屋洞洞高廠虛朗衍迤三丈
六尺狀如軒榭可布筵几其底邃窄通幽闇然密室周鑄羅漢
五十六身蝙蝠洞在石屋洞側內產蝙蝠大者如鴉亦有純白
者其糞卽夜明砂大仁禪寺俗稱石屋寺其對山名瑞峰又南
過煙霞嶺爲水樂洞洞在煙霞嶺下岩石盤峙洞壑虛幻泉味
清甘聲如金石煙霞洞有象鼻石佛手巖石羅漢東坡留題尚
存陟磴曲折而上爲南高峰峰在南北諸山之界羊腸詰曲松
篁葱蒨非芒屨布襪努策筇杖不可陟也塔居峰頂舊七級今
五級塔中四望則東瞰平蕪烟消日出盡湖山之景南顧大江

波濤洄洑舟楫隱見杳靄間西接巖竇怪石翔舞洞穴深邃其側有瑞應像巧若鬼工北矚陵阜陂陀曼衍前櫺叢出麇聚連雲山椒巨石屹如戟冠者先照壇相傳道者鎮魔之所峰頂有鉢孟潭潁川景大旱不涸大雨不盈榮國禪寺卽塔院又有五顯祠今寺廢而祠存

自太子灣而西爲玉岑山相傳其山產玉故潤媚異常孤峰秀拔層巒繚繞中有古木倒植森翠凌冬崕上玉岑二字許采書山門玉岑二字宋理宗書也赤山其土赤埴故名由湖而陟此者進定香橋爲赤山埠其水曲爲浴鵲灣張伯雨構水軒于此自此而南過大慈山出江干商旅不絕惠因澗出自赤山經惠

因寺前以入湖有蛟居澗中故洞口鑄鐵爲牕櫺嵌石以拒之
高數尺因名鐵牕櫺洞惠因寺俗稱高麗寺礎石精工藏輪宏
偉兩山所無自此而北爲法相律寺俗稱長耳相後唐時高僧
法真生有異相耳長九寸上過于頂下可結頤號長耳和尚乾
祐四年跌逝高足漆其真身存焉寺西有定光庵錫杖泉首蒲
缸久爲豪家所據適得郡司理胡來朝錢塘令聶心湯守正不
阿遂復故蹟輿論騰歡六通律寺有辟塵爐非木非石扣之錚
然纖塵不染宵其泉在赤山之陰合于惠因澗赤山之北爲三
台山有旌功祠于忠肅公墓公名譙字廷益錢唐人也英廟北
狩時公任國事外攘內撫有社稷功英廟復辟公以冤歿其

子冕奉奠于此成化二年廷議始白遣行人馬晚諭祭之其詞
畧曰當國家之多難保社稷以無虞惟公道以自持爲權姦之
所害在 先帝已知其枉而朕心實憐其忠弘治七年賜諡曰
肅愍建祠曰旌功萬曆十八年浙江撫臺傅孟春題奏改諡卽
遣傅孟春諭祭之其詞畧曰赤手扶天不及介推之祿丹心炳
日寧甘武穆之寃更諡曰忠肅三台山之前爲栗山八盤嶺嶺
有周真人墓真人名思得仁和人精五雷法揣測休咎輒驗
諭葬于此自三台山而北爲小麥嶺其地宜麥故名西有支徑
可通大麥嶺益積慶山之陂陀迤邐者有東岳行宮靈應廟永
福橋俗稱飲馬橋吳越宋時皆牧馬于此又西爲大麥嶺嶺當

南北兩山之界又西北過仙芝嶺出九里松其傍爲花家山一名蛇山瀕湖而登爲茅家埠自永福橋折而西北爲靈石山亦名積慶山林壑中時有景光蜿蜒扶輿狀若異物山畔有平頂永清馬鞍延壽等山又西北爲鷄籠山風篁嶺多蒼復條蕩風韻淒清至此林壑深沉迥出塵表流淙活活自龍井而下四時不絕嶺下爲沙盆塢一片雲石在風篁嶺上高可丈許青潤玲瓏巧若鏤刻松磴盤屈草莽間有石洞堆砌工緻巉巖可賞片雲亭司禮孫隆所構前設石枰上鐫興來臨水敲殘月談罷吟風倚片雲之句楊梅塢近瑞峰塢獅子峰高出群岫可瞰江潯北望天竺諸峰疊秀如畫延恩衍慶寺俗稱龍井寺有歸隱橋

方員庵寂室昭閣閒堂訥齋潮音堂慈心沼薩埵石冲泉諸天
閣諸勝龍井本名龍泓葛稚川煉丹于此林樾幽古石鑑平開
寒翠甘澄深不可測疏澗流淙泠泠然不舍晝夜閒花寂草延
綠其傍或隱或見蒼山圍繞皆非人間時聞鳥韻樵歌響谷虛
谷井中相傳有龍居焉禱雨多應水經飲馬橋合黃泥嶺東出
茅家埭入湖神運石高可六尺許奇怪兀突特立簷下有木香
一架穿繞巖竇宛若蛇蟠正統間中貴李德駐龍井屬旱以八
十人搜出此石又疏其傍池三日插劍曰浣花曰浴麟萬曆間
司禮孫隆構與衆亭于浣花池前以復古蹟嶺畔舊有崇恩演
福寺俗稱南天竺今廢側有靈石峰丫髻峰仙人基臺金沙井

回泉鍾液龍井景趣幽清聽眺俱爽自此過嶺值中天竺嶺止
爲基盤山山頂有方石舊傳丹砂爲局子分黑白今已漶漫登
其巔則江湖之勝皆可環眺龍井之上爲老龍井有水一泓寒
碧異常泯泯叢薄間幽僻清奧杳出塵寰岫壑縈迴西湖已不
可復覩矣其地產茶爲兩浙絕品再上爲天門可通靈竺徑術
崎嶇草樹翳鬱人烟曠絕幽悄不禁龍井之南爲九溪在烟霞
嶺西南路通徐村水出江干北達龍井十八澗在龍井之西路
通五雲山雲棲寺寺爲宋大扇和尚志逢所創建弘治間霖雨
發洪經像漂沒院宇蕪蕪隆慶六年釋氏祿宏募建外無崇門
中無大殿有禪堂處衆僧法堂奉經律寶刀龕迴耀峰爲龍虎

環抱東崗而上有壁觀峰峰下出泉名青龍泉中峰之傍有聖
義泉西崗之麓有金液泉三泉見引涓涓潔冽甘芳汲灌不竭
四大十方慕師而來者禮拜蓮臺座下日有千齋而供奉不乏
允爲一代高僧宏俗姓沈號蓮池浙之望族也

自南屏山而南爲錢糧司嶺吳越王建司于此以徵山課由嶺
而西有荆山沅相傳沅發于楚泉極清徹四時不涸折廣澤禪

西

寺舊名甘露有泉一泓甘澄可啜若甘露然故以名寺又西南
爲大慈山定慧禪寺山去城可十里在龍山西其址有樵歌嶺
戒定岩定慧禪寺俗稱虎跑寺中有虎跑泉甘冽勝常又西南
爲崇先龔慶禪寺俗呼真珠寺舊名薦福院泉自地迸出寺僧

因甃爲方池聞剥啄聲則泉益湧疊疊如貫珠名眞珠泉雷峰路口張園亦有眞珠泉

自清波門折而南爲筆架山方家峪有忠節祠祀宋太學生徐應鑣者褒親崇壽寺俗稱劉娘子寺又西南爲華津洞有仙人棋臺梯雲嶺石磴峻絕有水月池靈固石折而南爲慈雲嶺嶺爲龍山支脉故其山名寺額多以龍名石壁間篆刻梁單闕之歲興建龍山至湑灘之歲開慈雲嶺一十八字嶺巔有亭曰江湖偉觀嶺下有觀音洞永壽寺者舊名資仁後改上石龍永壽院石壁上刻宋仁宗佛牙讚蓋僞爲者嶺之南爲龍山其頂爲天真禪寺今惟一庵存登雲臺又名拜郊臺蓋錢王僭郊天地

之所也臺側有靈化洞武肅王勒壁存焉洞深百步濶十餘丈
和靖東坡題名勲賢祠舊名天真精舍在天龍寺之左祀新建
伯王文成公守仁者也中爲祠堂後爲文明閣藏書室傳經樓
望海亭又有凝道堂諸處置膳田以待四方學者萬曆間毀天
下書院而精舍亦混爲里甲所佃得督撫蕭廩侍御范鳴謙請
于朝始復祠與田有司春秋致祭如禮云天龍寺堂扁曰山舟
貫雲石所書中有凝翠井天華寺舊名千春龍冊有順軒妙音
樓化生池勝相寺舊名龍興千佛庵錢氏時有西竺僧轉智者
附海舶歸風鳴浪湧智誦如意輪呪見如意珠王相高十丈風
息得濟智謀建高塔以答佛施建災兵燬止存五丈觀音謗傳

人有意度則云轉智者以此也龍華寺舊名龍華寶勝宋藉田在天龍寺下中阜規圓環以溝塋作八卦狀俗稱九宮八卦田至今不柰稍南爲妙因山吳越國文穆王忠獻王墓稍北爲玉厨山善慧禪寺

自清波門折而東南爲鳳凰山山兩翅軒翥左薄湖許右掠江濱形若飛鳳一郡王氣皆藉此山自唐以來肇造州治蓋鳳凰山之右翅也錢氏因之遽加拓飾逮南宋建都而茲山東麓環入禁苑張閼華麗秀比蓬崑佳氣扶輿萃于一脉開署布政駐輦宅中民吏之所憑依帝王之所臨蒞隱隱賑賑者六七百年可謂盛矣元時納胡僧之說卽故宮建五寺築鎮南塔以厭之

而茲山到今落寞乃卽開元宮建省治面對吳山蓋鳳凰山之左翅也我朝因之而官司位署皆列左方爲東南雄會豈非王氣移易發洩有時也山據江湖之勝立而環眺則凌虛驚遠環異絕特之觀舉歸睂睫其麓爲萬松嶺夾道多巨松在唐時已有之宋時密邇大內碧瓦紅簷鱗次櫛比今夷爲大塗而松亦無幾矣萬松書院本報恩寺故址弘治間大叅周木燬寺而建書院中設先師及四配像爲大成殿明道堂居仁由義二齋顏樂曾唯二亭南北楔綽二曰德侔天地道貫古今以孔氏子孫世守之嘉靖間侍御潘倣建毓秀閣翼以待四方遊學之士八蟠嶺在萬松嶺右留月玉壺二臺在書院右方上

爲月岩下爲圭石中有四亭曰振衣曰可汲曰依雲曰見湖秀
石巉巖青蒼玉削巖巖然若芙蓉之未舒隱見草莽者不可勝
紀嶺上有沈婆井嶺下有郭公井鐵冶嶺亦有郭璞井又東經
鳳山門折而南過萬松坊爲報恩講寺坊爲永樂己亥金臺王
玘書報恩寺有銀杏樹其實無心內有碧梧軒舞鳳軒宋行宮
卽錢王故宮也又南折而西爲梵天講寺名南塔有石塔二靈
鰲井金井自梵天寺而北折而西廻繞松磴爲勝果禪寺松徑
盤紆澗淠潏高軒虛閣盡得江山之勝縣月岩石壁削立有
隙如鏡中秋皓魄斜圓清輝滿隙若合璧然其傍有月榭巖之
左爲中峰上有亭曰天峰孤嘯少師夏公謹所題峰之後爲三

佛石仙姑洞郭公泉臥醉石放光石其右爲殿前司管作排御
校場也山頂石笋林立蒼翠玲瓏森若朝拱錢氏名爲排衙石
第二峰舊有白塔塔西小徑石壁夾道通人往來名爲石衙宋
初名公多題刻其間從此南望則長江帶繞北望則西湖鑑開
山下有金星洞通明洞柳浦皆蕪汨不可踪蹟又西爲樓雲庵
小雲石海涯別業也由門徑而西可達龍華寺又南爲包家山
多桃花宋時有闢扁曰蒸霞二月遊人最盛號小桃源山川壇
洪武元年擬建于城西北風師壇于城東北雨雷師壇于城西
南二年詔風雲雷雨各一壇尋又詔併山川共爲一壇八年又
詔併城隍合祭壇之左爲正宗庵元僧大方建右爲三一庵自

玉蟾煉丹之所有像存焉又南爲大慈禪寺俗稱包山寺


自合澗橋折而南爲佛國山門舊爲鍾離權書後改張卽之書
今所懸乃明涼國公署額蓋僧家托權勢以爲重未必真藍氏
手筆也下天竺寺坐靈鷲山麓三竺之勝周圍數十里而巖壑
尤美者追聚茲區自飛來峰轉至寺後巖洞玲瓏瑩板清朗如
伏虬飛鳳層花繁萼皺殼疊浪妍態怪狀不可縷陳其材木皆
自巖骨擢起蒼翠葱鬱不土而茂傳言茲山產玉故腴潤育物
如此月桂峰舊有月桂亭稽留峰相傳許由隱居茲山故名許
由峰而訛爲稽留蓮花峰在山頂孤石可四十圍開瓣若干葉
蓮花三生石在寺後翻經臺相傳謝靈運爲兒時翻經于此香

林洞一名香桂林舊有香林亭其右爲日月巖葛塢葛井皆稚
川遺踪也神尼舍利塔在靈鷲峰頂又南爲楓木塢中天竺禪
寺寺在稽留峰北山門中天竺三宇乃明魏國公署額又有于
歲巖寺對爲永清塢心庵庵之背卽爲龍井庵有白雲巖玉液
泉又西南爲肅儀亭洪武間僧一如重建見心亭武弁李節建
上天竺講寺寺有白雲堂乳竇峰在天竺寺南下有空巖懸乳
如脂甘和可啗其西爲獅子峰雙桂峰其北爲白雲峰其東爲
天香巖烏石峰稍南爲中印峰重岡疊巘蒼翠輝映又西爲蛾
眉山夢泉在西坡大悲泉在講堂下流遶殿前經如意池以
青石爲之方丈面縷如意文曲折回遶可流觴焉出寺折而東

南爲幽涼嶺俗稱水出嶺病其不雅易以今名深壑冷冷峴石
齒齒陟此者必布襪芒屨前後牽挽三步一踴五步一躡其樹
四周仰天一線至捫壁嶺則左迫峭嶂右臨深溪緣木扳蘿方
可舉趾活沙者流沙也滑而善崩上至天門則諸山下伏雙峰
錐立西湖鏡開遊覽至此譬諸洞開武庫珍寶橫陳從此而東
則爲龍井又南爲郎當嶺小青嶺大青嶺升降相因西湖或隱
或見又南爲五雲山矣

詞詠西湖十景

曉
粧堤春



十里樓臺花石勢，繞直而宜晴。
山色龍臺曉，楊柳稍如顰。月小海
棠枝上輕暖，香芳帳玉人初睡。
覺後，可樓角、畫簾開多少。扶道
尋芳人，軟屐早。紫羅衫，過了春
是。

花港觀魚

西湖新觀

卷三

七

杭州



杜若浮香春霽用浪暖桃花錦
帳鴛鴦渚碧藻發深菱葉底纖
鱗歛沫搖朱尾 鼓把金鈎簪綠
水却憶雕欄翠袖人同倚腸斷
蕭娘書一紙想思欲報憑雙鯉

柳浪聞鶯



西子湖頭春過半萬縷垂楊淘似
波紋亂黃褪綠勻誰暗換俊遊來
繫巷驄慣紅喙嬌鶯啼緩韻叶
笙簧幾被風吹斷惱亂佳人停鳳
管背花偷把春纖按

麴院風荷



五月涼風來麴院笑萼紅白都開
遍風遞花香清不斷採蓮舟過
歌聲緩醉折碧筒供笑玩翠蓋
紅綃高下翻零亂向晚新涼醒
酒面六銖衣薄停紈扇

雷峰夕照



古塔斜陽江欲暝西庵人家半在桑榆
景水印殘霞如濯錦煙籠佛國非凡
境十里畫船歸欲盡漁唱菱歌別
是湖中景待月玉人樓上等珠簾半
捲闌重凭

平湖秋月



九活如童秋氣清
寒曉初輝紅
光明散芳幣
仙姝凌碧浪
一產
不素天香飽
多少遊人
聽玩賞
畫
新正歌粒出
平湖上
清景如樓
窗
不嘆石坊達
曙殷勤
望

三潭
印月



秋靜寒潭澄見底玉色鑾鯨飛
入清冷如睡熟驪龍呼不起顧珠
光照冰壺裏宴賞此時能有幾
遙憶同歡今夜人千里試問龍淵
深幾許騎鯨欲共姮娥語

雲
新橋渡



快雪時晴寒尚溼
玉屑銀沙紛滿
西湖路一道垂
紅如釣素未
腰草色
北前度
斷袂遺環
愁日暮想
傷後
波羅襪應難步
欲探梅花無處
所山童指點
逋仙墓

南屏晚鐘

蘇軾詩

卷五



東嶠深之深矣許佛國萬鐘
鯨吼而風裏田王南莊日東地
睽睽隔斷青蓮宇富飲芳園
人散主金襴嚴城次第僅得閑
一望長檣燈火起絳紗影裏
恥歸一騎

兩峰出雲



南北竿頭雲氣繞玉削芙蓉迴出青天
表金碧浮圖瞻像縹緲朱甍繡檻臨黃
道下界紅塵飛不到東望洞庭日出
扶桑曉願借謫仙希有烏菴坐和上
蓬萊島

